

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 9 JULAI 2012, PUKUL 10.00 PAGI

Bil. 12

MENGANGKAT SUMPAH

PERTANYAAN-PERTANYAAN BAGI JAWAB LISAN

1. PN-1252-L15045
Tuan Mohd. Khalid bin Ahmad minta **MENTERI PERUMAHAN DAN KERAJAAN TEMPATAN** menyatakan apakah peranan Kerajaan dalam mengawal kenaikan harga rumah yang semakin meningkat mendadak dan adakah Kementerian bercadang untuk mengadakan satu undang-undang bagi mengawal masalah ini.
2. PN-1252-L15183
Puan Chew Lee Giok minta **PERDANA MENTERI** menyatakan adakah Kerajaan Negeri mempunyai hak untuk menentukan tarikh Pilihan Raya Umum sendiri tanpa mengikut tarikh Pilihan Raya Umum yang ditetapkan oleh Kerajaan Pusat.
3. PN-1252-L15224
Dato' Mohammed Najeeb bin Abdullah minta **MENTERI PENERANGAN, KOMUNIKASI DAN KEBUDAYAAN** menyatakan bilakah lesen-lesen akan mula dikeluarkan bagi spektrum 2600Mhz yang akan menambah baik perkhidmatan jalur lebar mudah alih di negara ini.
4. PN-1252-L15115
Dato' Abdul Rahim bin Abdul Rahman minta **MENTERI PERUMAHAN DAN KERAJAAN TEMPATAN** menyatakan langkah-langkah yang diambil oleh pihak Kerajaan untuk memastikan premis-premis perniagaan menyediakan sistem pengawasan keselamatan yang lebih komprehensif untuk mengurangkan terjadinya jenayah culik, ragut dan rogol.

5. PN-1252-L14806
Dato' Syed Ibrahim bin Kader minta **MENTERI KEWANGAN** menyatakan Kerajaan dalam Bajet 2012 telah meluluskan Bantuan Rakyat 1Malaysia (BR1M) sebanyak RM500 kepada isi rumah berpendapatan RM3000 ke bawah. Kerajaan juga ada memberi imbuhan kewangan sebanyak RM100 kepada pelajar sekolah dan baucar buku untuk pelajar IPTA dan IPTS. Mohon Menteri Kewangan menjelaskan sejauh mana pemberian insentif ini membantu rakyat berbilang kaum di negara kita.
6. PN-1252-L15344
Tuan Saiful Izham bin Ramli minta **MENTERI SUMBER MANUSIA** menyatakan adakah Dasar Gaji Minimum kepada majikan di negara ini turut meliputi pekerja-pekerja asing yang dibawa masuk ke negara ini khususnya di sektor perladangan, pembinaan dan perindustrian serta apakah langkah-langkah kerajaan untuk menguatkuasakan Dasar Gaji Minimum tersebut.
7. PN-1252-L14849
Dato' Jaspal Singh minta **MENTERI KESIHATAN** menyatakan bilangan pusat perubatan kanser Kerajaan di Malaysia dan sama ada terdapat kemudahan untuk seseorang dari luar bandar yang sakit tenat dan tidak berupaya datang mendapatkan rawatan.
8. PN-1252-L15006
Dato' Haji Abdul Rahman bin Bakar minta **MENTERI BELIA DAN SUKAN** menyatakan apakah pihak Kementerian mempunyai kayu pengukur kejayaan "Himpunan Jutaan Belia" dalam sambutan Hari Belia Negara Mei lalu dan sejauh mana ia menjadi pemungkin hala tuju golongan belia dalam cabaran terkini di Malaysia.
9. PN-1252-L15210
Dato' Dr. Firdaus bin Haji Abdullah minta **MENTERI KEWANGAN** menyatakan sambutan atau reaksi syarikat-syarikat Milik Kerajaan (GLC's) terhadap arahan Kementerian Kewangan (seperti dijanjikan oleh Timbalan Menteri dalam sidang Dewan Negara bulan April 2012 yang lalu) agar semua GLC's memberi keutamaan kepada media cetak berbahasa kebangsaan dalam mengiklankan produk-produk mereka.
10. PN-1252-L14941
Tuan Lee Cheam Choon minta **MENTERI PENGANGKUTAN** menyatakan sistem tender nombor pendaftaran kenderaan yang melibatkan WWW telah menjadi satu isu yang hangat pada masa kini. Bolehkah pihak JPJ memberi penjelasan yang lebih terperinci berkaitan sistem tender yang dijalankan serta siapa yang berhak tender dan pihak mana pula yang tidak perlu tender untuk mendapatkan sesuatu nombor pendaftaran kenderaan.
11. PN-1252-L14867
Tuan Chiew Lian Keng minta **MENTERI PENERANGAN, KOMUNIKASI DAN KEBUDAYAAN** menyatakan sama ada pihak Suruhanjaya Komunikasi Multimedia Malaysia ada mengambil sebarang usaha untuk menurunkan kadar caj internet dan jalur lebar negara kita kerana ia agak tinggi berbanding dengan negara seperti Hong Kong, China, Korea Selatan, Singapura dan sebagainya.

12. PN-1252-L14987

Dr. S. Ramakrishnan minta **MENTERI DALAM NEGERI** menyatakan adakah Kerajaan akan membahaskan secara terbuka isu-isu yang menjadi pertikaian dalam buku-buku yang diharamkan penerbitannya dan apakah kaedah atau mekanisme yang digunakan dalam menentukan pengharaman sesuatu buku serta nyatakan juga jabatan-jabatan yang terlibat.

13. PN-1252-T14800

Datuk Chin Su Phin minta **MENTERI PERUMAHAN DAN KERAJAAN TEMPATAN** menyatakan mengapakah rakyat Malaysia pada ketika ini masih kurang kesedaran mengenai amalan kitar semula dan apakah strategi terbaru pihak Kementerian dalam menyedarkan orang ramai mengenai kebaikan perkara ini.

14. PN-1252-L14921

Tuan Baharudin bin Abu Bakar minta **MENTERI WILAYAH PERSEKUTUAN DAN KESEJAHTERAAN BANDAR** menyatakan ke manakah peniaga sedia ada di kawasan Pasar Chow Kit akan dipindahkan apabila projek menaik taraf kepada imej baru oleh Dewan Bandaraya Kuala Lumpur dijalankan dan apakah jaminan peniaga akan diberikan tempat apabila projek menaik taraf tersebut selesai.

15. PN-1252-L15037

Tuan Mohd. Khalid bin Ahmad minta **MENTERI PENERANGAN, KOMUNIKASI DAN KEBUDAYAAN** menyatakan adakah garis panduan akan dikeluarkan supaya media sosial baru seperti Twitter dan Facebook boleh dijadikan medium baru bagi mengeluarkan kenyataan rasmi Kerajaan.

16. PN-1252-L14905

Puan Norliza binti Abdul Rahim minta **MENTERI KEWANGAN** menyatakan apakah langkah-langkah Kerajaan untuk mengurangkan rakyat Malaysia mendepositkan wang mereka di institusi perbankan di luar negara.

17. PN-1252-L15124

Dr. Syed Husin Ali minta **MENTERI LUAR NEGERI** menyatakan pendirian Kerajaan terhadap isu kemanusiaan yang sedang berlaku di Syria.

18. PN-1252-L15289

Datuk Maijol bin Mahap minta **PERDANA MENTERI** menyatakan apakah status terkini kadar kemiskinan di daerah-daerah di Sabah berbanding dengan kadar yang dikeluarkan oleh Unit Perancang Ekonomi pada tahun 2004 iaitu 70.8% di Nabawan, 41.7% di Kudat, 46.3% di Pitas, 37.1% di Kota Marudu, 36.0% di Kota Belud, 20.5% di Tuaran, 38.2% di Ranau, 35.1% di Beluran, 6.7% di Penampang, 8.4% di Kota Kinabalu, 15.3% di Sandakan, 14.3% di Kuala Penyu, 14.7% di Papar, 44.4% di Tambunan, 15.8% di Sipitang, 20.3% di Beaufort, 30.1% di Keningau, 30.8% di Kinabatangan, 31.6% di Tenom, 35.7% di Togod, 21.3% di Lahad Datu, 38.6% di Kunak, 38.1% di Semporna dan 21.4% di Tawau dan apakah keberkesanan segala usaha dan tindakan Kerajaan untuk mengurangkan kadar kemiskinan di daerah-daerah tersebut.

19. PN-1252-L15216
Dato' Dr. Firdaus bin Haji Abdullah minta **MENTERI DALAM NEGERI** menyatakan langkah-langkah lanjut terhadap perusuh-perusuh liar di Dataran Merdeka yang masih engkar melaporkan diri kepada pihak polis walau pun telah diarahkan berbuat demikian.
20. PN-1252-L15281
Datuk Raja Ropiaah binti Raja Abdullah minta **MENTERI KEWANGAN** menyatakan apakah pendirian dan rancangan Kerajaan berkenaan Cukai Barang dan Perkhidmatan (GST) dan bilakah cadangan untuk pelaksanaannya. Jika dilaksanakan kelak, apakah kebaikan dan kesannya kepada peniaga, pengguna dan negara.
21. PN-1252-L15257
Datuk Paul Kong Sing Chu minta **PERDANA MENTERI** menyatakan bilangan permit teksi di Lembah Klang yang telah dilulus dan diberikan kepada individu, syarikat dan perbadanan dari tahun 1990 hingga 2011.
22. PN-1252-L14957
Tuan Khoo Soo Seang minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan statistik mengenai jumlah subsidi yang telah ditanggung oleh Kerajaan serta subsidi mengikut jenis barang sejak tahun lepas.
23. PN-1252-L15062
Puan Hajah Mariany binti Mohammad Yit minta **MENTERI TENAGA, TEKNOLOGI HIJAU DAN AIR** menyatakan rundingan semula atau Pembidaan Semula Perjanjian Pembelian Tenaga, PPA (daripada segi strategi pelaksanaan konsesi baru, jadual bayaran kapasiti CP dan tenaga yang lebih efektif, subsidi bekalan gas asli dan tempoh konsesi), agar pihak IPP yang ingin menyambung konsesi penjanaan tenaga elektrik mengenakan caj yang lebih praktikal dan tidak membebankan Kerajaan, TNB dan pengguna.
24. PN-1252-L14853
Dato' Jaspal Singh minta **MENTERI PERUMAHAN DAN KERAJAAN TEMPATAN** menyatakan sama ada Kementerian mempunyai garis panduan yang selaras untuk menentukan bahawa tempat-tempat meletak kereta di kompleks pusat membeli-belah, *hypermarket* dan *supermarket* mempunyai kawalan keselamatan seperti CCTV, lampu, butang kecemasan dan pengawal keselamatan yang secukupnya. Apakah tindakan yang akan diambil jika laju sesuatu pihak tidak mematuhi garis panduan ini.
25. PN-1252-L14749
Datuk Chiw Tiang Chai minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan kejayaan Program Transformasi Kedai Runcit (TUKAR) daripada segi jumlah peserta dan keuntungan yang dinikmati selepas menyertai program ini serta impaknya kepada kedai-kedai runcit yang masih mengekalkan tradisi dan reka bentuk lama.

26. PN-1252-L14760
Tuan Haji Abdul Shukor bin Mohd Sultan minta **PERDANA MENTERI** menyatakan:-
- (a) jumlah terkini nilai pelaburan yang diterima oleh Wilayah Ekonomi Koridor Utara (NCER) dari segi sektor Kerajaan, pelaburan swasta dan inisiatif pembiayaan swasta (PFI); dan
- (b) jumlah terkini nilai pelaburan yang diterima oleh negeri Perlis.
27. PN-1252-L14875
Puan Hajah Noriah binti Mahat minta **MENTERI PELAJARAN** menyatakan jumlah pelajar sekolah menengah yang keciciran dan apakah langkah-langkah bagi memastikan mereka mendapat pendidikan yang sempurna selaras dengan Dasar Pendidikan Negara.
28. PN-1252-L15018
Dato' Haji Abdul Rahman bin Bakar minta **PERDANA MENTERI** menyatakan rasional penyenaraian Felda Global Venture Holdings (FGVH) boleh menjamin kekuatan ekonomi warga Felda dan apakah ianya memberi kesan ke atas keseluruhan ekuiti Bumiputera di Malaysia.
29. PN-1252-L14776
Tuan Haji Ahamat @ Ahamad bin Yusop minta **MENTERI WILAYAH PERSEKUTUAN DAN KESEJAHTERAAN BANDAR** menyatakan mekanisme dan pelan jangka panjang untuk membasmi kemiskinan di bandar dalam usaha membantu warga kota.
30. PN-1252-L15343
Puan Roslin binti Haji Abdul Rahman minta **MENTERI PENGAJIAN TINGGI** menyatakan apakah tiada perancangan pihak Kementerian untuk menerajui industri Sawit ini ke peringkat Pusat Pengajaran Tinggi atau jelasnya menujuhkan Universiti Sawit Malaysia yang mana pengkhususan ini pastinya menjadikan Malaysia lebih aktif dalam memajukan sains dan teknologi berdasarkan bahan mentah kita sendiri. Pastinya Universiti ini pasti menjalankan aktiviti pengajaran Teknologi Tanaman, Penghasilan Bahan Baku Sawit dan By-Product. Jikalau di Amerika ada universiti Minyak dan Petroleum, Jika di Belanda ada Universiti Perkapalan, Jika di Jepun ada Universiti Marinanya kenapa kita tiada Universiti untuk bahan yang memang kita juaranya.
31. PN-1252-L15269
Datuk Haji Yunus bin Haji Kurus minta **PERDANA MENTERI** menyatakan selain daripada pengeluar lesen Halal, apakah peranan JAKIM dalam usaha memartabatkan penggunaan logo Halal di premis-premis perniagaan serta hotel-hotel di negara ini.

32. PN-1252-L15113
Dato' Muhammad Olian b Abdullah minta **MENTERI KEMAJUAN LUAR BANDAR DAN WILAYAH** menyatakan berapa banyakkah perkampungan Orang Asli yang kini masih tidak mempunyai bekalan elektrik 24 jam dan apakah perancangan Kementerian dalam memastikan bekalan elektrik dan sumber air bersih ini dapat disampaikan tanpa sebarang halangan dan rintangan.
33. PN-1252-L15189
Puan Chew Lee Giok minta **MENTERI DALAM NEGERI** menyatakan berapa jumlah kes bunuh diri dari tahun 2010 hingga 2012 mengikut pecahan bangsa, umur dan jantina. Apakah kaedah yang akan digunakan oleh Kementerian bagi mengurangkan kes bunuh diri ini.
34. PN-1252-L15122
Dato' Abdul Rahim bin Abdul Rahman minta **MENTERI PENGANGKUTAN** menyatakan bagaimanakah aplikasi Sistem Penguatkuasaan Automatik (AES) dapat membantu mengurangkan kadar kemalangan jalan raya, kesalahan jalan raya seperti memandu melebihi had dan melanggar lampu isyarat serta membanteras jenayah rasuah di kalangan pegawai penguat kuasa di negara kita.
35. PN-1252-L15331
Puan Roslin binti Haji Abdul Rahman minta **PERDANA MENTERI** menyatakan tiadakah perancangan pihak Kerajaan untuk memberi Dana Mudah Cara kepada pelabur projek "Private Fund Initiative (PFI)" bernilai kurang dari RM100 juta tetapi pasti memberi impak yang besar dan mempunyai nilai pengganda yang tinggi. Umpamanya membina kompleks membeli belah baru yang bernilai RM25 juta di sebuah penempatan Felda atau membina kilang petrokimia kecil yang bernilai RM50 juta di sebuah penempatan nelayan.
36. PN-1252-L14754
Tuan Haji Abdul Shukor bin Mohd Sultan minta **PERDANA MENTERI** menyatakan sejauh manakah kejayaan pelan pembangunan secara menyeluruh sektor pertanian bersandarkan inisiatif untuk meningkatkan industri itu di bawah pelan induk bagi Koridor Utara (North Corridor) berjaya dilaksanakan di Perlis.
37. PN-1252-L14908
Tuan Baharudin bin Abu Bakar minta **MENTERI PERDAGANGAN ANTARABANGSA DAN INDUSTRI** menyatakan keberkesanan SME Bank bagi membantu usahawan Industri Kecil dan Sederhana (IKS) dan apakah strategi-strategi dalam meningkatkan daya saing usahawan IKS di luar bandar.
38. PN-1252-L15029
Tuan Pau Chiong Ung minta **MENTERI PENGANGKUTAN** menyatakan adakah Kementerian sedar bahawa kenderaan berat yang sama model di Sarawak mempunyai had muatan yang berlainan dengan Semenanjung dan apakah sebabnya.

39. PN-1252-L15223
Dato' Mohammed Najeeb bin Abdullah minta **MENTERI KEWANGAN** menyatakan jumlah kes penipuan yang melibatkan kad kredit dari tahun 2007 hingga 2011 serta nilainya dan apakah langkah-langkah baru bagi mengurangkan fenomena ini. Adakah Kerajaan akan meminta agar kadar faedah sekarang sebanyak 18 peratus diturunkan memandangkan profil risiko pelanggan telah bertambah baik selepas syarat-syarat permohonan kad kredit baru diperketatkan.
40. PN-1252-L15105
Dato' Muhammad Olian b Abdullah minta **MENTERI KEMAJUAN LUAR BANDAR DAN WILAYAH** menyatakan bahawa Kerajaan telah melancarkan Pelan Strategik Kemajuan Orang Asli, di antara teras strateginya adalah pembangunan modal insan, jelaskan berapa buah lagi Pusat Intelek Pelajar Orang Asli (PIPOA) akan didirikan menjelang akhir tahun 2015.
41. PN-1252-L15012
Dato' Haji Abdul Rahman bin Bakar minta **MENTERI PENGAJIAN TINGGI** menyatakan apakah tindakan tegas telah diambil terhadap mahasiswa yang berdemonstrasi dan berkhemah di Dataran Merdeka pada April yang lalu. Jika ada, apakah ianya memberi kesan kepada mahasiswa yang lain sedangkan mereka yang terlibat hanya sekitar 50 orang sahaja.
42. PN-1252-L14876
Dato' Nalla K. S. minta **MENTERI BELIA DAN SUKAN** menyatakan berapakah perbelanjaan keseluruhan yang telah digunakan di dalam penganjuran Himpunan Jutaan Belia 2012 yang telah diadakan pada 23 sehingga 27 Mei yang lalu dan adakah kos tersebut berpatutan dengan penganjuran yang telah dibuat.
43. PN-1252-L15159
Puan S. Bagiam a/p Ayem Perumal minta **MENTERI KEWANGAN** menyatakan berapakah jumlah wanita India yang berjaya mendapat pinjaman dan bantuan daripada Amanah Ikhtiar Malaysia setakat ini dan di antara bantuan yang disampaikan ini sektor manakah yang menjadi tarikan utama golongan wanita kaum India sehingga kini.
44. PN-1252-L15148
Datuk Kadzim M. Yahya minta **MENTERI WILAYAH PERSEKUTUAN DAN KESEJAHTERAAN BANDAR** menyatakan adakah Kerajaan bercadang untuk mengehadkan kemasukan kenderaan persendirian ke dalam kawasan KL "*Central Business District*" (CBD) sebagai langkah untuk menggalakkan lebih penggunaan kepada pengangkutan awam darat.
45. PN-1252-L14841
Tuan Haji Muhamad Yusof bin Husin minta **MENTERI PELAJARAN** menyatakan adakah penempatan 5500 orang guru interim ke sekolah-sekolah seluruh negara telah dapat menyelesaikan masalah kekurangan guru dan adakah penempatan tersebut mengikut keperluan subjek di sekolah-sekolah berkenaan.

46. PN-1252-L15287
Datuk Raja Ropiaah binti Raja Abdullah minta **MENTERI PEMBANGUNAN WANITA, KELUARGA DAN MASYARAKAT** menyatakan dalam persiapan menuju negara maju, apakah perancangan negara untuk menjaga dan menghormati warga emas yang telah banyak berjasa dalam pembangunan negara. Apakah sistem sokongan yang telah diwujudkan dan berapakah '*old age care centre*' dan rumah orang-orang tua yang berkualiti yang telah dan akan disediakan di seluruh negara serta bantuan seperti skim insurans supaya mereka dapat melayari hari akhir mereka dengan lebih selesa, selamat dan bahagia.
47. PN-1252-L14766
Tuan Haji Abdul Shukor bin Mohd Sultan minta **PERDANA MENTERI** menyatakan pandangan Kementerian berkaitan permohonan CUEPACS agar beberapa insentif tambahan terutamanya kemudahan bersalin dan hospital pilihan kepada kakitangan awam wanita selaras dengan sumbangan besar golongan ini ke arah memperkasakan sektor awam serta motivasi ke arah sasaran penduduk 70 juta orang.
48. PN-1252-L15070
Puan Hajah Rohani binti Abdullah minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan warga emas masa kini dan adakah Kerajaan bercadang untuk mewujudkan skim saraan khas seumur hidup kepada golongan ini yang telah banyak berkorban sehingga Malaysia menjadi sebuah negara merdeka, maju dan aman damai.
49. PN-1252-L14883
Puan Hajah Noriah binti Mahat minta **MENTERI KEWANGAN** menyatakan apakah Kerajaan akan mengadakan BR1M2, dan apakah mekanisme yang digunakan untuk memastikan bantuan diterima oleh golongan sasar yang benar-benar memerlukan, dan adakah Kerajaan berhasrat menjadikan bantuan BR1M sebagai bantuan tahunan.
50. PN-1252-L15235
Datuk Hj Saat bin Hj Abu minta **MENTERI KEMAJUAN LUAR BANDAR DAN WILAYAH** menyatakan peruntukan sejumlah wang bagi semua persempadan JKKB di seluruh negara, di mana negeri-negeri di bawah pemerintahan Barisan Nasional bagi tujuan wang projek-projek masyarakat satu kawasan, jumlah wang peruntukan tahunan dicadangkan RM100,000 (satu ratus ribu sahaja).
51. PN-1252-L15317
Tuan Lihan Jok minta **MENTERI SUMBER ASLI DAN ALAM SEKITAR** menyatakan sejauh manakah Kerajaan telah berjaya melakukan "*Perimeter Survey*" ke atas Tanah Hak Adat Bumiputera (NCR) di Sarawak setakat ini, dan berapa kawasan yang telah diberi hak milik.
52. PN-1252-L15072
Puan Hajah Rohani binti Abdullah minta **MENTERI KERJA RAYA** menyatakan langkah-langkah Kementerian dalam membela kontraktor Kelas F dan apakah langkah bagi memastikan kontraktor tidak menghadapi masalah untuk memperbaharui lesen kontraktor Kelas F yang terdiri daripada kontraktor Bumiputera.

53. PN-1252-L14835
Tuan Haji Muhamad Yusof bin Husin minta **MENTERI KESIHATAN** menyatakan adakah benar dakwaan sistem penapis air jenis lutsinar boleh membiakkan bakteria E-coli dan jika benar apakah langkah-langkah Kerajaan mengatasinya kerana banyak syarikat pembekal peralatan tersebut menjalankan kempen kepada orang ramai.
54. PN-1252-L14829
Tuan Haji Muhamad Yusof bin Husin minta **MENTERI DALAM NEGERI** menyatakan apakah punca sebenarnya kematian Allahyarham Koperal Mustaghni Tabri dalam insiden cegah lumba haram di Lorong Bunga Raya, Klang pada 3 Jun 2012 dan jelaskan hasil siasatan kejadian tersebut.
55. PN-1252-L14782
Tuan Haji Ahamat @ Ahamad bin Yusop minta **MENTERI PERDAGANGAN ANTARABANGSA DAN INDUSTRI** menyatakan impak dan kesan positif terhadap negara hasil daripada kejayaan memuktamadkan perjanjian FTA antara Malaysia dan Australia yang tertangguh sejak sekian lama.
56. PN-1252-L15321
Puan Hajah Dayang Madinah binti Tun Abang Haji Openg minta **MENTERI KESIHATAN** menyatakan berapa banyakkah mesin 'hemodialisis' yang sudah diperuntukkan di semua hospital Kerajaan dan swasta di seluruh Sarawak setakat ini dan adakah ianya akan ditambah memandangkan peningkatan bilangan pesakit yang memerlukannya.
57. PN-1252-L15198
Puan Chew Lee Giok minta **MENTERI SUMBER MANUSIA** menyatakan perkembangan pengambilan kemasukan pembantu-pembantu rumah daripada Indonesia dan Kemboja.
58. PN-1252-L14951
Tuan Khoo Soo Seang minta **MENTERI DALAM NEGERI** menyatakan langkah-langkah untuk membasmi aktiviti perjudian yang dijangka berlaku semperna musim-musim pertandingan bola sepak peringkat antarabangsa, serta menerangkan tindakan yang akan dikenakan ke atas sesiapa yang didapati terbabit dalam aktiviti ini.
59. PN-1252-L15136
Dr. Syed Husin Ali minta **MENTERI PENGAJIAN TINGGI** menyatakan secara terperinci berkenaan pemberian pelajar universiti untuk menyertai secara aktif dalam parti politik dan seterusnya pilihan raya.
60. PN-1252-L14794
Datuk Chin Su Phin minta **MENTERI KEWANGAN** menyatakan pihak manakah yang untung dan pihak mana yang rugi hasil daripada pembatalan MAS AirAsia Share Deal.

61. PN-1252-L15263
Datuk Haji Yunus bin Haji Kurus minta **PERDANA MENTERI** menyatakan sama ada kelonggaran daripada segi operasi dan pemantauan dari pihak Agensi Penguatkuasaan Maritim Malaysia (APMM) ke atas nelayan-nelayan pesisir pantai di Labuan dapat dipertimbangkan bagi memberi ruang kepada golongan ini untuk terus menjalankan aktiviti tersebut tanpa dikenakan tindakan undang-undang kerana kadang kala berlaku tindakan APMM yang terlalu drastik terhadap nelayan kecil ini.
62. PN-1252-L14918
Tuan Lee Cheam Choon minta **MENTERI PELAJARAN** menyatakan apakah benar 'Perjanjian Pendidikan Berkennaan Sekolah Cina' pada tahun 1995 yang diperdebatkan dengan hangatnya pada masa kini benar-benar wujud. Jika wujud, adakah perjanjian berkennaan melarang penubuhan sekolah swasta beraliran Cina di negara ini.
63. PN-1252-L14743
Datuk Chiw Tiang Chai minta **MENTERI PENERANGAN, KOMUNIKASI DAN KEBUDAYAAN** menyatakan peranan media sosial dalam kehidupan masyarakat hari ini terutamanya generasi Y yang jelas merupakan pengguna tertinggi di negara ini.
64. PN-1252-L14993
Dr. S. Ramakrishnan minta **MENTERI PELAJARAN** menyatakan Sekolah Jenis Kebangsaan Tamil (SJKT) yang mendapat peruntukan daripada RM100 juta untuk dibaik pulih dan dibina bangunan baru seperti yang diumumkan oleh YAB. Perdana Menteri semasa pembentangan Bajet 2012 yang lalu. Adakah kontrak akan diberikan kepada Lembaga Pengelola Sekolah (LPS) untuk diuruskan seperti yang berlaku di sekolah agama.
65. PN-1252-L14980
Dato' Dr. Johari bin Mat minta **PERDANA MENTERI** menyatakan penjelasan berhubung Konsep al-Wasatiyah yang telah diperkenalkan oleh Kerajaan dan beberapa siri seminar yang telah diadakan di seluruh negara. Sehingga kini sejauh mana penerangan telah dapat dilaksanakan dan siapakah sasarnya.
66. PN-1252-L15245
Datuk Paul Kong Sing Chu minta **MENTERI KEWANGAN** menyatakan sama ada Kerajaan mempunyai sebarang rancangan untuk menjual MAS yang kerugian, dan sekiranya tiada, apakah tindakan yang diambil bagi memastikan ia menjadi entiti perniagaan yang berdaya maju.
67. PN-1252-L14812
Dato' Syed Ibrahim bin Kader minta **MENTERI KESIHATAN** menyatakan Kita dapat lihat berlaku peningkatan yang mendadak dalam bilangan pesakit jantung di negara kita. Ada sebilangan yang meninggal dunia sebelum sempat mendapat rawatan di hospital kerajaan kerana bilangan menunggu (*waiting list*) terlalu ramai. Mereka juga tidak mampu untuk mendapat rawatan di hospital swasta kerana kos rawatan untuk engiogram, engioplasty dan bypass (pintasan jantung) adalah amat tinggi. Apakah langkah-langkah Kerajaan untuk membantu golongan yang kurang berkemampuan mendapat rawatan segera di hospital swasta atau Kerajaan.

68. PN-1252-L15049
Tuan Mohd. Khalid bin Ahmad minta **PERDANA MENTERI** menyatakan sejauh manakah Pejabat Ketua Pegawai Keselamatan Kerajaan telah memainkan peranan untuk mengelakkan dokumen sulit/rahsia Kerajaan dan sistem komunikasi/internat daripada intipan musuh negara di dalam negeri dan juga di Kedutaan/Konsulat dan Perwakilan Malaysia di luar negara.
69. PN-1252-L15175
Dato' Boon Som a/l Inong minta **MENTERI DALAM NEGERI** menyatakan jumlah aduan yang diterima serta tangkapan yang dibuat sejak Akta Antipemerdagangan Orang 2007 diwartakan. Bagaimanakah tahap kegiatan pemerdagangan orang di negara ini, siapakah yang terbabit menjalankan kegiatan berkenaan, siapakah pula yang menjadi mangsanya dan apakah langkah-langkah yang diambil bagi menangani kegiatan itu.
70. PN-1252-L15130
Dr. Syed Husin Ali minta **MENTERI KESIHATAN** menyatakan adakah elau tambahan sebanyak RM100 diberi kepada semua jururawat atau terhad kepada kategori-kategori tertentu dan bagaimanakah pertambahan tersebut dapat memberi impak terhadap peningkatan mutu tugas jururawat.
71. PN-1252-L15043
Tuan Mohd. Khalid bin Ahmad minta **MENTERI PENGAJIAN TINGGI** menyatakan dalam usaha mempergiatkan pengantarabangsaan universiti tempatan, mengapakah tiada satu pun universiti tempatan yang tersenarai dalam 200 universiti terbaik yang dikeluarkan oleh Time Higher Education.
72. PN-1252-L14945
Tuan Khoo Soo Seang minta **MENTERI KEWANGAN** menyatakan apakah sebabnya Credit Guarantee Corporation (CGC) membebankan sektor keusahawanan kecil dan sederhana dengan fi jaminan yang tinggi, skop perlindungan yang kecil dan syarat-syarat kelulusan yang ketat, serta tempoh masa kelulusan yang lama. Bukanakah CGC ditubuhkan untuk membantu para usahawan kecil dan sederhana.
73. PN-1252-L14818
Dato' Syed Ibrahim bin Kader minta **MENTERI LUAR NEGERI** menyatakan ada segelintir individu yang terlibat dalam menganjurkan perhimpunan haram Bersih 3.0 di Arab Saudi. Apakah kesan daripada perhimpunan haram tersebut dan implikasi dalam hubungan diplomatik di antara Kerajaan Malaysia dan Arab Saudi.
74. PN-1252-L15301
Datuk Raja Ropiaah binti Raja Abdullah minta **PERDANA MENTERI** menyatakan apakah definisi kemiskinan yang diguna pakai sekarang ini dan apakah kadar kemiskinan terkini serta langkah-langkah yang iambil untuk menuju matlamat negara sifar kemiskinan.

75. PN-1252-L15160
Dato' Boon Som a/l Inong minta **MENTERI PELAJARAN** menyatakan berapakah bilangan pelajar berketurunan Bumiputera Siam yang mendapat dan menerima tawaran untuk melanjutkan pelajaran di dalam Kursus Matrikulasi serta Program Ijazah Sarjana Muda Perguruan pada tahun ini, mengikut bidang pengajian.
76. PN-1252-L15052
Puan Hajah Mariany binti Mohammad Yit minta **MENTERI SUMBER MANUSIA** menyatakan hasil siasatan punca sebenar kemalangan di Loji Memproses Gas (GPP) 3, Kompleks A, Petronas Kerteh pada 10 Mei 2012 serta tindakan susulan/perundungan ke atas Petronas dan Kontraktor Hyundai-PFCE. Berapakah Notis Larangan dan Pembaikan (NOP/NOI) yang dikeluarkan ke atas Petronas/Hyundai-PFCE dan apakah tindakan pembaikan yang telah dilakukan Petronas untuk mengelakkan kejadian ini berlaku dan mengapakah punca kemalangan ini tidak dedahkan kepada orang awam agar risiko letupan dalam pemasangan Major Hazard ini dapat tangani bersama antara PETRONAS, kontraktor dan orang awam.
77. PN-1252-L15095
Tuan Subramaniam a/l Veruthasalam minta **MENTERI KEWANGAN** menyatakan mengapa Mesin Teler Automatik (ATM) yang disediakan bank-bank di Malaysia tidak menyediakan perkhidmatan dalam Bahasa Tamil, dan jika usaha untuk memberi perkhidmatan tersebut boleh diusahakan dalam jangka masa terdekat, sejajar dengan prinsip 1Malaysia.
78. PN-1252-L14899
Tuan Syed Shahir bin Syed Mohamud minta **MENTERI SUMBER MANUSIA** menyatakan adakah Kementerian mempunyai sebarang cadangan untuk memberikan perlindungan bagi tempoh 24 jam kepada pencarum-pencarum PERKESO.
79. PN-1252-L15337
Puan Roslin binti Haji Abdul Rahman minta **MENTERI KESIHATAN** menyatakan apakah Kementerian ada langkah kontingensi bagi mengatasi masalah banyak rungutan dari para pesakit hospital Kerajaan mahupun hospital swasta yang ingin membuat tuntutan insurans bagi kerana jangkaan siap laporan pihak doktor dari tarikh menghantar borang sehingga mendapat laporan doktor mengambil masa sehingga satu bulan yang disebabkan oleh beban kerja doktor-doktor tersebut.
80. PN-1252-L14788
Datuk Chin Su Phin minta **MENTERI SUMBER MANUSIA** menyatakan apakah perkembangan terbaru mengenai Skim Insurans Pemberhentian Kerja (*Unemployment Insurance Scheme*) yang bakal diperkenalkan di Malaysia dan apakah bentuk kerjasama dan bantuan yang diberikan oleh ILO (*International Labour Organization*) dalam merealisasikan perkara ini.

81. PN-1252-L14928

Dato' Lim Nget Yoon minta **MENTERI KERJA RAYA** menyatakan jalan utama dari Bandar Raub ke Kuala Lipis dan Bentong sesak dengan beribru-ribu buah kenderaan pada setiap musim perayaan atau cuti sekolah. Adakah pihak Kementerian mempunyai hasrat untuk membina jalan alternatif untuk mengurangkan kesesakan jalan ini.

82. PN-1252-L15118

Dato' Boon Som a/l Inong minta **PERDANA MENTERI** menyatakan apakah pendekatan yang akan digunakan oleh Kerajaan untuk menjelaskan kepada seluruh jabatan, Kementerian dan agensi Kerajaan mengenai status kedudukan masyarakat Siam sebagai Bumiputera seperti dinyatakan oleh YAB. Perdana Menteri dalam perjumpaan dengan masyarakat Siam di Pendang, Kedah pada 25 Februari 2012 yang lalu.

83. PN-1252-L14968

Dato' Dr. Johari bin Mat minta **MENTERI KEWANGAN** menyatakan berapakah jumlah kes lelongan awam hartaanah sejak 5 tahun lepas dan mekanisme bagi menangani isu kegagalan peminjam membayar balik pinjaman perumahan mereka yang menyebabkan kerugian kepada negara.

84. PN-1252-L14770

Tuan Haji Ahamat @ Ahamad bin Yusop minta **MENTERI PENGAJIAN TINGGI** menyatakan apakah jalan penyelesaian terbaik dalam menentukan kuota kemasukan pelajar Bumiputera ke IPTA tidak akan terjejas disebabkan sistem meritokrasi yang menetapkan hanya mereka yang terbaik sahaja layak mengisi tempat tanpa mengira kaum.

85. PN-1252-L15071

Puan Hajah Rohani binti Abdullah minta **MENTERI KESIHATAN** menyatakan sejauh manakah pelaksanaan dan aktiviti Lembaga Promosi Kesihatan Malaysia (LPKM) dapat memberi faedah kepada masyarakat khususnya golongan remaja.

86. PN-1252-L15350

Tuan Saiful Izham bin Ramli minta **MENTERI SUMBER ASLI DAN ALAM SEKITAR** menyatakan adakah terdapat sebarang peruntukan khas bagi membantu beberapa negeri yang sering dilanda masalah banjir tahunan, dan sekiranya ada, berapakah jumlah peruntukan tersebut mengikut negeri-negeri yang terlibat bagi tahun 2012.

87. PN-1252-L15251

Datuk Paul Kong Sing Chu minta **PERDANA MENTERI** menyatakan berikan butiran mengenai kes bankrap di Malaysia sekarang ini dan langkah-langkah Kerajaan untuk mengurangkan jumlah mereka yang diisyiharkan bankrap.

88. PN-1252-L14974

Dato' Dr. Johari bin Mat minta **MENTERI KEWANGAN** menyatakan:-

- (c) jumlah kutipan cukai individu bagi tahun 2011 dan apakah punca kegagalan setengah pihak yang gagal melaksanakan tanggungjawab membayar cukai yang dikenakan dan tindakan terhadap mereka; dan
- (d) adakah Kerajaan bercadang mengkaji semula pengecualian atau pelepasan cukai selaras dengan kenaikan kos barang sekarang.

89. PN-1252-L15312

Puan Hajah Dayang Madinah binti Tun Abang Haji Openg minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah perkembangan lanjut mengenai pendekatan Kementerian baru-baru ini untuk Malaysia menjalin kerjasama dalam bidang koperasi dengan 5 buah negara ASEAN (Indonesia, Brunei, Thailand, Singapura dan Vietnam).

90. PN-1252-L14981

Dr. S. Ramakrishnan minta **MENTERI PELAJARAN** menyatakan mengapa Universiti Teknologi MARA (UiTM) dan beberapa Institusi Pengajian Tinggi Awam (IPTA) ketika ini menggunakan Bahasa Inggeris sebagai bahasa pengantara yang sangat bertentangan dengan dasar Kerajaan untuk memartabatkan bahasa Melayu. Jika IPTA dibenarkan menggunakan Bahasa Inggeris mengapa Kerajaan tidak boleh mewujudkan sekolah aliran Inggeris.

91. PN-1252-L14855

Tuan Chiew Lian Keng minta **MENTERI WILAYAH PERSEKUTUAN DAN KESEJAHTERAAN BANDAR** menyatakan sama ada Dewan Bandaraya Kuala Lumpur ada mengambil sebarang tindakan terhadap mereka yang memaparkan stiker-stiker, iklan-iklan, banting-banting dan sepanduk-sepanduk secara haram dan ambil tindakan menurunkan bahan-bahan tersebut.

ATURAN URUSAN MESYUARAT DAN USUL-USUL

			Bacaan Kali Yang Kedua
1.	(D.R. 22/2012)	Rang Undang-undang Profesion Undang-undang (Pindaan) 2012	
		[Menteri di Jabatan Perdana Menteri]	
2.	(D.R. 27/2012)	Rang Undang-undang Perbekalan Tambahan (2012) 2012	“
		[Menteri Kewangan]	
3.	(D.R. 25/2012)	Rang Undang-undang Pelindung (Pindaan) 2012	“
		[Menteri Perdagangan Antarabangsa dan Industri]	
4.	(D.R. 24/2012)	Rang Undang-undang Perubatan (Pindaan) 2012	“
		[Menteri Kesihatan]	
5.	(D.R. 19/2012)	Rang Undang-undang Kualiti Alam Sekeliling (Pindaan) 2012	“
		[Menteri Sumber Asli dan Alam Sekitar]	
6.	(D.R. 26/2012)	Rang Undang-undang Umur Persaraan Minimum 2012	“
		[Menteri Sumber Manusia]	
7.	(D.R. 29/2012)	Rang Undang-undang Pengangkutan Jalan (Pindaan) 2012	“
		[Menteri Pengangkutan]	
8.	(D.R. 28/2012)	Rang Undang-undang Francis (Pindaan) 2012	“
		[Menteri Perdagangan Dalam Negeri, Koperasi dan Kepenggunaan]	

9. PN-1252-U15026

Dato' Haji Abdul Rahman bin Bakar akan mencadangkan:-

"Bahawa Dewan ini mendesak Kerajaan supaya mengambil pendekatan yang sesuai agar ajaran anutan Syiah tidak menular dan merebak di kalangan orang-orang Islam di negara kita kerana ada fakta menyebut terdapat 200 juta pengikut Syiah di seluruh dunia. Di negara kita, anutan Syiah sedang berkembang. Tanpa mengambil suatu tindakan yang cekap dan berkesan oleh pihak Jabatan Perdana Menteri melalui JAKIM, penyebaran ajaran ini akan menyebabkan umat Islam negara kita yang mengamalkan ajaran Sunnah Waljamaah akan terpesong. Justeru, apakah usaha yang dilakukan JAKIM memadai selama ini dari segi penguatkuasaannya. Jika ya, nyatakan usaha berkenaan. Jika tidak, apakah Kerajaan merasakan perkara ini di dalam pemantuan dan tidak memudaratkan ummah Islam di Malaysia."

[Menteri di Jabatan Perdana Menteri]

10. PN-1252-U15027

Dato' Haji Abdul Rahman bin Bakar akan mencadangkan:-

"Bahawa Dewan ini menyarankan agar Kerajaan melaksanakan BR1M II seeloknya pada sebelum tahun baharu 2013 sebagai persiapan kepada persekolahan anak-anak dan sambutan tahun baru. Ini adalah usaha mapan Kerajaan ke arah membela nasib golongan yang berpendapatan kurang daripada RM3000 sebulan. Sesungguhnya, BR1M I telah memberi imbuhan langsung kepada masyarakat berpendapatan rendah dan rata-rata rakyat cukup berterima kasih kepada Kerajaan. Melihat kepada kesan daripada BR1M I, jika sesuai dan mempunyai kedudukan kewangan yang kukuh, adalah wajar BR1M II diberikan pada tahun ini atau awal tahun depan. Setelah BR1M I dilaksanakan, apakah tidak ada kesan kepada ekonomi negara sedangkan seluruh dunia sedang menghadapi kemelesetan ekonomi terutamanya di Amerika Syarikat dan beberapa Negara EU."

[Menteri Kewangan]

11. PN-1252-U15028

Dato' Haji Abdul Rahman bin Bakar akan mencadangkan:-

"Bahawa Dewan ini mendesak pihak-pihak berwajib supaya meneliti dan mengambil tindakan sewajarnya ke atas kebanjiran pelarian dari Myanmar yang mungkin lama kelamaan akan menyekat hak rakyat yang sah dan menjelaskan hubungan baik antara Negara. Bukan suatu rahsia lagi bahawa ramai orang-orang Islam yang terbunuh dan menjadi pelarian di Myanmar akibat pemerintahan junta sejak berpuluhan tahun lalu. Tidak kurang 1,500 orang Islam telah berhijrah ke negara-negara jiran termasuk Malaysia. Mereka hidup merempat dan tidak sempurna dan ada yang menjadi peminta sedekah demi untuk sesuap nasi. Ada juga yang bekerja dengan syarikat-syarikat swasta mengikut minat dan kemahiran masing-masing.

Persoalannya, apakah tindakan pihak Kerajaan terhadap masalah ini kerana jika tidak dibendung akibatnya lama-kelamaan kita terpaksa pula melayan mereka sebagai warga negara kerana ada di kalangan mereka yang berkahwin dengan penduduk setempat. Selain itu, kita juga terpaksa bertimbang rasa terhadap anak-anak mereka yang dahagakan pelajaran. Kita terpaksa memberi ruang yang adil kepada anak-anak mereka kerana aspek pelajaran, kesihatan, agama dan perlindungan adalah sesuatu yang universal. Justeru, saya memohon pihak-pihak berwajib supaya meneliti dan mengambil tindakan sewajarnya agar ianya tidak menjelaskan hubungan baik antara negara dan di masa sama tidak menjelaskan peluang rakyat tempatan yang sah dan yang hak."

[Menteri di Jabatan Perdana Menteri]

12. PN-1252-U15004

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan menggubal Undang-undang Kebebasan Maklumat bagi membolehkan rakyat Malaysia menikmati hak untuk mendapatkan maklumat selaras dengan kehendak prinsip-prinsip demokrasi. Hak rakyat untuk mendapatkan maklumat adalah penting bagi membolehkan rakyat untuk memeriksa dan membendung penyalahgunaan kuasa oleh kakitangan Kerajaan dalam hal-hal pentadbiran Kerajaan terutamanya keputusan-keputusan Kerajaan yang mempunyai implikasi secara langsung dan tidak langsung terhadap rakyat jelata. Oleh itu saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang bagi tujuan membolehkan rakyat Malaysia untuk mengambil bahagian dalam pentadbiran dan hal-hal Kerajaan terutamanya dalam proses membuat keputusan-keputusan sejarar dengan prinsip demokrasi (*participatory democracy*) dan kepentingan awam (*public interest*). Rakyat Malaysia mengalu-alukan satu Kerajaan yang telus dan bertanggung jawab maka penggubalan undang-undang ini adalah mustahak. Undang-undang ini akan memberarkan akses kepada dokumen-dokumen sesebuah agensi Kerajaan dan dokumen-dokumen rasmi Kementerian Kerajaan. Maka disarankan supaya Kerajaan mengambil serius penggubalan undang-undang ini dan mengambil segala langkah-langkah untuk merealisasikan undang-undang ini di Malaysia yang mana undang-undang begini telah pun di perkenalkan di negara-negara Komanwel yang lain.

[Menteri di Jabatan Perdana Menteri]

13. PN-1252-U15005

Dr. S. Ramakrishnan akan mencadangkan:-

"Bahawa Dewan ini mendesak agar pihak Kerajaan prihatin dan memandang serius terhadap penyalahgunaan minuman alkohol dan minuman keras di kalangan masyarakat kita, terutama di kalangan remaja bermula dari usia 16 tahun yang amat dibimbangi ia akan membawa padah kepada masa depan negara jika kita tidak mengambil tindakan yang sewajarnya secepat mungkin.

Oleh itu, saya mengambil kesempatan melalui mesyuarat Dewan Negara ini untuk menampilkkan usul penggubalan undang-undang untuk menangani penyalahgunaan alkohol dan minuman keras di kalangan masyarakat kita dengan mengambil langkah-langkah berikut:-

- (i) Mengubah dan meningkatkan umur seseorang untuk membeli minuman keras dan alkohol secara sah dari segi undang-undang dari 18 tahun ke 21 tahun. Hukuman berat dan denda yang maksimum juga harus dikenakan terhadap sesiapa sahaja yang di bawah umur 21 tahun jika mereka didapati membeli minuman alkohol dan minuman keras.
- (ii) Memperkenalkan sistem lesen baru yang mengawal waktu penjualan alkohol dan minuman keras. Contohnya seperti mengehadkan waktu penjualan dari 11.00 pagi sehingga pukul 9.00 malam.
- (iii) Mempunyai undang-undang untuk menangani masalah-masalah pengambilan minuman-minuman keras dan alkohol di tempat awam dan menjadikan pengambilan minuman ini di tempat awam sebagai satu jenayah di mana boleh ditangkap dan didakwa di bawah kanun undang-undang.
- (iv) Memperketatkan lagi kanun undang-undang yang mengawal penjualan alkohol dan minuman keras oleh peniaga-peniaga kepada remaja dan juga pelajar-pelajar di bawah umur. Contohnya, apabila mana-mana peniaga menjual alkohol dan minuman keras kepada pelajar-pelajar dan remaja di bawah umur, lesen kedai peniaga itu haruslah ditarik dan dibatalkan dan mengenakan denda yang maksimum terhadap peniaga tersebut.
- (v) Memperkenalkan undang-undang baru untuk pendaftaran dan mengawal penjualan minuman-minuman keras buatan tempatan. Contohnya seperti samsu dan ia mendapat sambutan baik di kalangan masyarakat berpendapatan rendah, terutamanya di kalangan masyarakat India yang tinggal di estet, kerana harga minuman ini adalah sangat murah dan mudah didapati di kawasan pedalaman secara haram.
- (vi) Menubuhkan satu pusat pencegahan, penyelidikan, dan pemulihan alkohol Malaysia seperti di Amerika Syarikat dan Australia untuk mengadakan penyelidikan dari semasa ke semasa."

[Menteri Perumahan dan Kerajaan Tempatan]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.15	Laporan Tahunan dan Penyata Kewangan Universiti Pendidikan Sultan Idris Bagi Tahun 2010	9 Julai 2012
ST.35	Laporan Tahunan dan Penyata Kewangan Bank Simpanan Nasional Bagi Tahun 2011	9 Julai 2012
ST.36	Laporan Tahunan dan Penyata Kewangan Bank Negara Malaysia Bagi Tahun 2011	9 Julai 2012
ST.37	Laporan Kestabilan Kewangan dan Sistem Pembayaran Bank Negara Malaysia Bagi Tahun 2011	9 Julai 2012
CMD.4	Anggaran Perbelanjaan Mengurus Tambahan Pertama, 2012	9 Julai 2012
CMD.4A	Memorandum Perbendaharaan Mengenai Anggaran Perbelanjaan Mengurus Tambahan Pertama Tahun 2012 Bagi Kerajaan Malaysia.	9 Julai 2012

UCAPAN PENANGGUHAN

BIL.	TARIKH UCAPAN	AHLI YANG BERUCAP	TAJUK UCAPAN	MENTERI YANG BERTANGGUNGJAWAB
1.	9.7.2012 (Isnin)	Sen. Dr. S. Ramakrishnan	Kolej Matrikulasi	Menteri Pelajaran
2.	9.7.2012 (Isnin)	Sen. Tuan Haji Muhamad Yusof bin Husin	Penetapan Tarikh Pilihan Raya	Menteri di Jabatan Perdana Menteri